

19. september 2016

Uunga siunnersuut: Soraarnerussutisiaqarnissamut pinngitsoorani aaqqissuussineq pillugu Inatsisartut inatsisaat nr. xx, xx 2016-imeersoq.

(Aningaasaqarnermut Aatsitassanullu Naalakkersuisoq)

Soraarnerussutisinissamut aaqqissuussinissaq pillugu naalakkersuisut inatsisissamik saqqummiussaannut Siumumiit imatut oqaaseqassaagut.

Siumup pingaartippaa anguniarlugulu nunatsinni inuit soraarnerussutisiaqalernissamut aaqqissuus-siffigineqarnissaat, taamaattumillu naalakkersuisut maanna inatsisissamik saqqummiussaqaqarnerat aaqqissuusseqqinnissanik suliat ilaattut isigalugu suleqataaffigissavarput.

Naluneqanngitsutut ullumikkut utoqqalinersiutit saniatigut soraarnerussutisiaqarnissamut aaqqissuussanik pigisaqanngitsut amerlapput, soraarnerussutisiassanik katersisalernissaq oqallisaasarsimavoq inuiaqatigiillu aaqqissuussaannitta suliarineqarneranut atatillungu soraarnerussutisiassanik katersisalernissamik inatsisiliorinissaq utoqqalinermi aningaasatigut ajunnginnerusumik inissisimanissamik siunertaqarmat tapersersornartuuvoq pisariaqarlunilu, nalunaarusiatigut ilisimavarput inuiaqatigiinni sulisinnaasut ikiliartormata tamanna unammillernartuusussaavoq aningaasatigut aamma taamaattumik soraarnerussutisiaqalernissamut katersisalernissamik aaqqissuussineq siunissami aningaasatigut unammilligassat annikillisarneqarnerattut aamma isigisariaqarpoq Naalakkersuisut saqqummiussaqaqarnerminni erseqqissarpaat inuit 18-inik ukioqalersimasut kalaallit nunaannilu tamakkiisumik akileraartussaasut soraarnerussutisiaqalernissamut akiliuteqartassasut aningaasatigullu 100.000,00 kr. -it inorlugit isertitaqartut akiliuteqarnissamut pisussaaffimmut ilaatinneqannginnissanik aamma saqqummiussaqaqarlutik, tamanna Siumumiit ilalerparput taamatuttaarlu isertitat najoqqutaralungit akiliuteqariaatip assigigitsuunissaa eqqumaffigineqarsimammat ilalerusullungu,

Siumup pingaarutilittut isigaa utoqqalinersiutinik aaqqissuusseqqinnerup ilaatut, taamaattumillu inatsisissatut siunnersuut taperserparput. Utoqqaat utoqqalinerminni naammaginartumik pilersuinermt tungavissaqarnissaasa qulakkeerneqarnissaa pingaaruteqarluinnarpoq, taamaattumillu Siumumi inatsisissatut saqqummiussaqaq taperserlugu ataatsimiititaliamut susassaqaqartumi aappassaaneerneqartinnani suliarineqarnissaa innersuupparput.

Jens Immanuelson

Siumut

